

# Tribunal Electoral Infantil 2026

9a. edición



La niñez de México y Latinoamérica tiene la palabra



## CONVOCATORIA Y BASES DE PARTICIPACIÓN

### BELEWCHÍL T'AJNEL AN JUNKUDH EYAL AN TSAKAMCHIK 2026

An Tribunal Electoral del Poder Judicial de la Federación (TEPJF), bá' an Dirección General de Relaciones Institucionales Nacionales (DGRIN), an Instituto Interamericano del Niño, la Niña y Adolescentes (IIN) de la Organización de los Estados Americanos (OEA) ani an Asociación de Magistradas Electorales de las Américas (AMEA), ti kanial abal ka kidhbay an waxikchíl t'ajnel an:

AN JUNKUDH EYAL AN TSAKAMCHIK (TEI) 2026 AN TSAKAM TI LABTOM ANI TI PEJACH BICHOW AMERICA IN KWA'ÁL AN KÁW

Máx a kwa'ál 9 ani 12 I tamúb<sup>1</sup> ani a le' ka t'aja' ti eyal electoral abal an tsakam ti jún i k'ichaj<sup>2</sup>, ki dhuchan ti:

<https://www.te.gob.mx/TribunalElectoralInfantil/>

### T'AJBILAB ABAL KI TOLMIXIN

#### I. Yejenchixtaláb

Ti **30 a abril ani ti 28 a agosto ti 2026**, ka t'uchiy an dhuchné<sup>1</sup> ti piladh dhuche' kal: kidhat bij, tamúb, Pulik Bichow ju'taj I k'wajíl o an kidhat Bichow ju'taj ti ajidh<sup>3</sup>, an correo electrónico (a mím, a tata', below), in bij an atáj exobintaláb (máx a le' ka bina'), junkudh ajumtal abal ki tawna', bichow, ani ka olna' máx pel a éy xaludh bichow, o I ajidh ti jún I Tének bichow o máx a kwa'a'l k'eat a xe'tsintal.

Máx pel I ts'ik'ach o kwitol labtomidh xi I k'wajil tip il I bichow, ka olna' an kwenchaláb ju'taj I wa'tsin o wa'tsin a tata'chik, o máx a kwa'ál pil a bichowil xi yab pel ti Labtom, ani máx t'eye' I k'wajil, ka uluw in bij an kwenchaláb ju'taj I k'wajil.

Tam ka t'aja'its an dhuchné<sup>1</sup>, ne'éts ka bats'uw I dhuchláb ju'taj u bats'uwab abal I dhuchadh ti in belwechíl an t'ajnel an TEI 2026.

A kwa'ál ma ti 28 a agosto a 2026 abal jún i atiklab ti tolmix abal ka abna' ti **tei@te.gob.mx**, o ba' an WhatsApp, al **55 48 69 28 14**, junkudh an ajumtal dhuchaláb xi a bat'suw tam I dhuchan, an kotbidh wál o piladh dhuchláb PDF an:


- Úw ju'taj dhuchadh a wa'tsintal
- Kotbidh úw a mím, tata' o below.
- Dhuchlab ju'taj a bats'uwal ka eyan an olchinel xi a binal (olchix an ts'inel, eyadh a wál ani binadh an uchbidh), xi a ejtawal ka pa'ba' ti: <https://www.te.gob.mx/TribunalElectoralInfantil/>

#### II. Abnadh a wiwk'al wál

Kwa'a'l ka abna' jún I wiwk'al wál, xi ki in ikna' 1 ma 3 i k'ij, ju'taj ki tejwa'me' ani, jant'ida' a tsalapl, ka tok'tsiy jún o tal yanel an konowixtaláb:

- ¿janey i alwa'taláb in kwa'álchik an tsakamchik ti in pejáck an bichoe America ani jant'idha' a aynal ta k'ima', atáj exobintaláb o kwechaláb ju'taj i k'wajil?
- ¿janey i tsalap a ejtawal ka ucha' an atiklab kal an t'ajnel ani k'aknadhtaláb in uchbíl an tsakamchik ani elel pok'elchik?
- ¿jant'idha' a eyendal an redes spciales ani jant'odha' in ejtawal ka tolmix abal ki in alwa'medha' an k'wajiltaláb?

Ti <https://www.te.gob.mx/TribunalElectoralInfantil/> a ejtawal ka ela' i t'ipláb ani jant'idha' a t'aja'.



# Tribunal Electoral Infantil 2026

9a. edición



La niñez de México y Latinoamérica tiene la palabra



## CONVOCATORIA Y BASES DE PARTICIPACIÓN

Tam yabaye' ka putun an k'ichaj **28 a Agosto ti 2026**, ka konoy ti tolmij i atiklab abal ki in abna' an wiwk'al wál ti correo electrónico [tei@te.gob.mx](mailto:tei@te.gob.mx), o ba' an WhatsApp **55 48 69 28 14**. Tam ka ulits ne'ets ki abchin jún i dhuchláb ju'táj ki olchin abal batw'udhits.

### III. Lejbaxtaláb an wiwk'al wál

An wiwk'al wál ne'ets ka lejbayat kal xi in atamalíts an TEI xi t'ajadhits tam yabaye' ki in bajuw an **11 a septiembre ti 2026**, ne'ets ki abna' an takudhtaláb owél ba i pat'al olchix.

Kal an takuxtaláb, ne'ets ka junkuwat lajú' tsé' I TEI 2026 (an ts'ik'ach ani kwitol xi ki bajuw kadhpidh an lejbaxtaláb ti junchik an takudhtaláb<sup>4</sup>, jún i ts'ik'ach o kwitol xi xaludh in éy, ti Tének bichow o kwenchaláb, kal k'eat in xe'tsintal ani xi ti pilchik in pejách an bichow america).

Máx ka junkuwat an lejbaxtaláb, ne'ets ki bina' in takuxtal jún xi in atamalíts ani in t'ajamalits ti ok'chix ti pilchik in t'ajadhits an TEI, ne'ets ka t'ajan ti kwentaj expidh máx ants'ana' ka wat'ey.

In bij jita' ki in atachik ne'ets ka dhuchan ani ka buk'wat ti **14 a septiembre ti 2026**, ba' an: <https://www.te.gob.mx/TribunalElectoralInfantil/>

### IV. Ajibnadh an Junkudh Eyal an Tsakamchik

An DGRIN ne'ets ki in táwna' an ts'ik'achik ani kwitolchik xi ki in ata' ne'ets ka aliat in mím, in tata' o an belom, abal ka tolmixin ti **30 a octubre ti 2026** tam ka kubdha' an TEI 2026<sup>5</sup>, ne'ets ka tejjwamedha' ti jolataláb buk'wudhtaláb xi in kal an TEPJF.

An tsakamchi xi ki in ata'chik ne'ets ka pidhan jún I úw ju'taj ka tejjwamedha' an tolmixtaláb ani jún I pat'al (laptop o tableta).

Ani jaye', an ts'ik'achik ani kwitolchik xi ki in kidhbay an TEI 2026, jita' ne'ets ki in t'ajachik ti takul ne'ets jaye' ka k'wajay ti exobintaláb ani tamkumtaláb xi ka t'ajan kal an t'ojnal ti IIN – OEA.

### V. T'ajnel xi yab ne'ets ka bats'uwat


Yáb ne'ets ki in ejtow ka tolmixin xi in atamalits an TEI xi tajaníts.

Expidh ne'ets ka t'ajan ti kwentaj jún I ts'ik'ach o kwitol xi dhuchan ti wiwk'al walek.

An t'ajnel xi yab t'ajadh ti kwentaj ba' axé' xi kanixtal ne'ets ka alwa'medha' kal an DGRIN.

### VI. K'ichaj xi kwa'ál ka t'ajan ti kwentaj

ACTIVIDAD	2026
Dhuchadhtaláb an ts'ik'achik ani kwitolchik	30 a abril ma ti 28 a agosto
Abnadh an úw, junkudh kal an ajumtal xi in bats'uw	28 a agosto
Abnadh an wiwk'al wál	28 a agosto
Lejbataláb an wiwk'al wál	11 a septiembre
Buk'udhtaláb in bij xi in ata'chik	14 a septiembre
Ajibnadh a TEI 2026	30 a octubre



# Tribunal Electoral Infantil 2026

9a. edición



La niñez de México y Latinoamérica tiene la palabra



## CONVOCATORIA Y BASES DE PARTICIPACIÓN

### VII. Olchixtaláb ani ejtidhtaláb

Ha abna' an konowixtaláb ti correo electrónico [tei@te.gob.mx](mailto:tei@te.gob.mx), o ba' an WhatsApp, ti **55 48 69 28 14**. ¡ki tolmixin ti axé' xi belewchíl an t'ajnel ani ka kidhbay an Junkudh Eyal an Tsakamchik 2026

<sup>1</sup> Aba ka tolmixin, an tamu xi yejenchab in ejtowal ki in ko'oy tanka dhuchan o ki in putuw tam ka t'ajan in ajibal an TEI 2026.

<sup>2</sup> An DGRIN ne'éts ki takuy xaludh an ayláb xi ne'éts ki ko'oychik jita' ki in ata'chik: lajú' i eyal, jita' ne'éts ki in ok'chiy jaye' (ejetnadh abal ka kidhbayat kal i ts'ik'achik o kwitolchik xi xaludh in éy, Tének bichow o kwenchaláb, k'eat in xe'tsintal o ti pil in bichowil an pejách bichow america); jún l olchix an junkunel ani an exobintaláb ani an ajumtaláb; ani jita' ne'éts ki in olna an t'ajnel.

<sup>3</sup> An bichow ti in pejách an bichow America xi ne'éts ka tolmixin: Argentina, Bolivia, Chile, Colombia, Costa Rica, Cuba, El Salvador, Guatemala, Honduras, Nicaragua, Panamá, Paraguay, República Dominicana, Uruguay y Venezuela.

<sup>4</sup> Pejách junkunek an bichow Labtom xi ne'éts ka takwiat:

I: Baja California; Baja California Sur; Chihuahua; Durango; Jalisco; Nayarit; Sinaloa y Sonora.

II: Aguascalientes; Coahuila de Zaragoza; Guanajuato; Nuevo León; San Luis Potosí; Tamaulipas y Zacatecas.

III: Campeche; Chiapas; Oaxaca; Quintana Roo; Tabasco; Veracruz de Ignacio de la Llave y Yucatán.

IV: Ciudad de México; Guerrero; Hidalgo; Morelos; Puebla y Tlaxcala.

V: Colima; Estado de México; Michoacán y Querétaro.

<sup>5</sup> An jalbidhtaláb abal ka beláts, ka wayits ani ka k'apúts abal ka k'wajay ti in ajibal an TEI 2026 an ts'ik'ach o kwitol xi ki in ata' ani an atiklab xi ne'éts ti junax (mím, tata', belom), ne'éts ka t'ajan kal an TEPJF, olmidh kal an DGRIN.

Jawa'kits i yejenchixtaláb ani/o jabinel kwa'ál ka t'ajan kal an atiklab xi ne'éts ti junax (mím, tata', belom).

Máx jún jita' ki in ata' an TEI 2026 ani pel i labtomidh tokot abal u k'wajil to pil i pejách bichow, ne'éts ki in ejtow ka k'wajiy ti ajibnal tokot owel ba' i pat'ál buk'ul walek. Ants'ana' jaye' kal an ts'ik'ach o kwitol xi tal ti pil i pejách bichow America ani xi yab ki in ejtow ka k'ale'.

<sup>6</sup> Yab ne'éts ka t'ajan ti kwenta' an wiwk'al wál tam ka elan axé' xi tsalap: 1) yab kidhat an k'ij xi konodh wekáts jún i k'ij ani yanel óx i k'ij; 2) tam an tsakam yab ka tejwa'me' ti wiwk'al wál; 3) tam ka tejwa'me' i tsakamchik xi in kwa'ál pil i tamub ani yab in bats'umal ka tejwa'me'; 4) tam ka tejwa'me' i walek ani/o i son xi beletnadh o yab walkadh ka buk'wat, ani jaye' xi ts'ejkadh kal i inteligencia artificial; 5) tam an tsalap xi ka olna' yab ja' in tok'tsintal an konowixtaláb xi uludh ba' ax'e xi kanixtaláb.